



DEO OPTIMO MAX. UNI ET TRINO,

VIRGINI DEIPARÆ, ET S. LUCÆ
Orthodoxorum Medicorum Patrono.

QUÆSTIO CHIRURGICA
QUOD LIBETARIIS DISPUTATIONIBUS,
*manè discutienda, in Scholis Medicorum, die Jovis vigesima - sexta
mensis Martii, anno Domini M. DCC. XLIV.*

M. JOANNE-FRANCISCO COUTHIER,
Doctore Medico, Præside.

An unum, è præcipuis Symptomatibus in operationibus Chirurgicis, mitigandum, Dolor?

I.



OMNIUM qui ad Chirurgiam pertinent morborum, unus judex
Medicus; illorum ex purioribus Medicinæ fontibus distinctam di-
lucidamque notitiam, qui non hauserit, recedat. Necellarum
imperitus cognitionum, consilio & opere necessario simul conspi-
rantium, alter erit ægrotanti morbus; ideò Medici negligentia,
inscitiaque Chirurgi, quanto ægrotis sint exitio, dijudica? Apud
Græcos multifariè vociferatur dolor, sed πόνος & ὀδὼν vocabula duo frequen-

rūs usurpantur. Solo doloris verbo utuntur Latini. De doloris nomine, nulla controversia, at de ejus naturā, certitudo nulla. Quot Auctores, tot definitiones, assiduus humanitatis comes, dolor, & inimicus: ejus continua experientia, non clarior idea, non perspicacior notio, continua dubitatio; continui solutioni accedit, ab omni chirurgicā operatione & curando vulnere individuus. Tristis est juxta Physicos, animæ sensus: hujus sedes & origo partium involucria, membranae, quæ per totum corpus diffusa à cerebro oriuntur; irritatio, tensio, velliatio, erosio, dilaceratio molestiam percipiendi, animæ occasionem sufficiunt. Ea est instituta, spiritalem inter & corpoream substantiam necessitudo; ex Summi Creatoris placito, in corpore velut in ergastulo inclusa anima, ei præest & providet. Cognoscenda veritas, lædenti corpus præcavenda, recreantia & reficientia admo-
venda, horum distinguendorum sensus sensationesque nuncii; duo media, tutelares corporis totidem custodes, ejus salutem vigilant. Non in alium finem creati sensus, nec ipsis annexæ sensationes. Putasne aliter? hallucinaris. Veritatem in Democriti puteo latentem frustra quæris & eruere tentas. Fallax via quælibet alia & in errorem inductura quæ à naturā deflectitur.

I I.

QUID sit dolor? habes. A morbo, operatione, vulnere, atque ulcere curando, proficiscitur. In eo mitigando, tota sit ars. *Ante omnia*, inquit Hippocrætes, *dolorem sedare oportet*. Venæ, arteriæ, nervi, ossa ipsa involvuntur, clauduntur membranis; iis, in parte affectâ, corrugatis, coercetur sanguis, stagnat, progressivus tardatur motus, fermentativus augetur; incandescencia & inflammatio sequaces oboriuntur, afflicta parti, afflictio additur. Circumfluos undiquè humores cum antiquis crederes. Morâ scilicet, sales cum salibus luctant, salis indolem redolentia sulphura pugnae participia expanduntur & evolvuntur; cumulatâ sanguinis copiâ, uberiore humorum factio proventu, partium mollium expansio, tensio, durities; ad cerebrum propagatur irritatio, hæc occasione, & mutuâ necessitudine compatitur anima. Corporis cum animâ relationem, sequentibus verbis expressit Hippocrates; *qui aliquâ parte dolentes* (sect. 2^a. aphor. 6^o.) *non sentiunt, iis mens agrotat, quia mens in statu sano percipit dolorem*, cujus continuatione & spasmodicâ solidorum irritatione gravatur, comprimiturque morbida pars; sanguis & humores in angusto constricti hærent mancipia: misti, confusi, vividâ valorum percussione verberantur, teruntur, fermentatione aguntur, destruuntur, mutantur, in corrosivum pus abeunt. Ferociunt sales, suis aculeis molles abradunt & depascunt, duras fodiunt partes, nervos pungunt & lancinant, nervorum & partium reciprocatione in consensum dolentis veniunt sanæ partes: spasmo proximæ sunt; si dolor diuturnior sit, aut non mitigetur, inassuetis liquorum motibus, solidorumque inturbatis vibrationibus, machinæ humanæ rectrix, monita, præsto est, anima, corporis subsidio venit. Quod mirabile & prodigio simile, occasione & relatione corporeâ, spiritalis sentit anima, doloris voluptatisque sola capax; felici & salubri errore in lætam partem refundit dolorem. Hujus naturæ phænomeni apud Gassendum prostat exemplum, Miles quidam, abscessum licet jamdiu cum brachio narium dolore querebatur; rationem desideras? Ea sanè quod amputatorum cum manu ulcere laborante, nervorum trunci eodem ritmo ac ante excisionem trahebantur, succutiebanturvè, sic eundem animæ dolorem percipiebat.

I I I.

ATQUI in vulneribus curandis & operationibus chirurgicis præcipuum & urgentius symptomata, dolor, Sensationum, cujus est species mechanisimum calles. Quot damna in animali œconomia cieat, non te fugit. Appetitis prostratio, virium dejectio, secretionum suppressio, capitis dolores, vigiliæ, deliria, convul-

siones, febris, lipothymia, syncope & alia, doloris sunt affecta. Omnes ferme subvertuntur functiones, humana proximè ruit moles, ni periclitanti auxiliarius subvenias. Multa dolorem levancia & sedantia numerantur instrumenta; interna & externa in re medicamentaria & utraque pharmacia ubertim sparguntur; ex iis fontibus ea deprome; duo usu trita, sed non sapientiùs ideò ministrata: unum unguenta, alterum & extremum est ferrum. Hujus administratio, illius tractatio maturè consideranda sunt, cuique sua sit cautio. Cave ne acioribus unguentis pars pungatur; irritatione enim, largiore ad partem vocato, spirituum influxu, turmatim affluunt humores, convulsivâ membranarum contractione vasa stringuntur, sanguinis motus tum in parte, tum in viciniâ præpeditur, in angustius comprimitur: phlogosis augeatur, inflammatio crescit, gangræna & sphacelus minantur. Cave, ne intactas & integras partes tangas & excindas, partium situm, textum & naturam ex anatome revoca: tendinibus membranis, nervis, vasisque sanguiferis attende: quantum fieri poterit, parce dolori: nisi quod dura cogit necessitas, secca. Ferocientis in apostematibus & vulneribus materia, pathognomonicum signum, dolor. Eo stante gravi ad sanitatem non reditus. Inimica vis omnis. Inter tumultus ab opere cessat, actionesque mittit natura; cruciata doloribus, turbatur; tranquilla est atque quieta: extranea jussa respuit: suis & sapientioribus regitur legibus.

I V.

DUPLEX in genere doloris causa, subita liquidorum alteratio, & soluta corporis continuitas acerrima fiant liquida, causticam induant indolem, quamlibet alterationem suscipiant, quantum noceant, ex præcedentibus resumie; ab externis: quantum vulneribus hiberno tempore aer sit adversus, ex Hippocrate tenet: *frigus*, inquit, (aphor. 20^o. sect. 6^a.) *cutim induratur, suppurationem remouetur, livorem, rigores febriles, spasmos, & tetanos, id est, distentiones inducit*; ære enim frigido cutis pori arctantur, perspirabilis vapor intus retinetur, cum sanguine miscetur: humorum crasis in deterius vertitur. Aestivi calor vehementiâ & tempestate ficiore spirituosa sanguinis partes, ejusque vehiculum serum solvuntur, avolant. Minus diluti sales, molem majorem nanciscuntur, & unâ cum succo nutritio seu lymphâ veci, pus acrius reddunt, dolorem lancinantem procreant, carnos adnascentes acinos abradunt, inflammationes, erysipelarodes, quandoque gangranosas promouent, aut præsentia saltem symptomata intendunt. Temperata aëris constitutio, quæ moderatè calida est atque humida: eâ fibrarum elater sustinetur, non intenditur, superfluum vaporat serum, non humido exhauritur sanguis; præter naturam non effervesceat nec fermentat. Blandè movetur, non acredine punguntur partes, licet humorum pondere & mole gravari possint, nullus aut stupidus dolor excitatur, humorum præcipuorum subversio, antiquorum est intemperies, quæ ægerimè emendatur; hæc in peste, scorbuto & lue venerea observatur, inde doloris perennitas: exacerbatio autem & sævities, si bilis miscelâ cruor incandescat, validiorem, putrescentemque ineat fermentationem, & pars continuè illabentis succi acrimoniâ dilaceretur. Non est curatio; in pejus ruit vulnus, ni vitium in humoribus recognoscatur, mutetur, destruat, hum humorum principia vel graviter labefactata, vel penitus deleta fuere? Distingue: his, de venæ sectionum, catharticonum, vesicantium & aliorum rei pharmaceuticæ instrumentorum utilitate, habitis, perpensisque, statuas. Inconsideratè enim adhibita molestissimas ægotanti eruces figunt, aut saltem fructum nullum, nullumque levamen datura sunt. Itaque consilio Medico muniatur Chirurgus, ad curandi rationem antequàm se accingat; studio omni, omnique diligentia, amovendis tollendisque vitis studeat: remedia astimet aptiora, ponderet & seligat. Conveniente remediorum supellectile dolores tunc & citò sedet & arceat. Morâ, culpatur, ægotantium damno prorahitur morbus, alioquin cruciatibus divexatorum, luctu persusorum, jussa nec im-

4

merita querela. Vires enim interdum franguntur, vehementiora gravioraque invehuntur symptomata; dolorum denique terminus aut solatium, mors.

V.

ANTE vulnere curationis auspiciationem, quatuor potissimum, duce Medico, Chirurgus advertat. 1°. Sanguinis motum; 2°. generalem sanguinis & fucci nutritii crasim; 3°. cuiusque partis diathesim; 4°. symptomatum urgentius, nempe dolorem. Si primum, aut sanguinis motus à naturali non desciscit, diætâ convenienti est servandus aut intensior motus, & plethoræ sunt indicia; pro datâ indicatione supervacuum evacuandum, derivandum, revellendum; motus verò febrilis auctam sanguinis fermentationem, solidorumque perversam tensionem nunciat, diluentibus & demulcentibus temperandus & continendus, solidaque simul laxabuntur. Si secundum, exploranda est & perspicienda sanguinis & humorum perversa indoles; à fomite in stomacho primilque viis hospitante, & latitante ut plurimum nascitur, liquoribusque suggeritur, & infunditur. Sublato illo ventriculi & primarum viarum generali vitio, particulare partis læsæ vitium tollitur. Si tertium, non omnia extrinsecus admovenda medicamina; consulendus partis habitus. Cum sanguis & succus nutritius, à nativâ crasi non sunt degeneres, missis unguentis & quibuscumque pharmacis irritantibus, perverso usu nimium frequentibus, balzamicis ipsismet præstabunt. Si quartum & ultimum: omni operâ ad irritationes, tensiones, & inflammationes compescendas & coercendas, innitatis: ne novâ symptomatum accessione insignis affectâ parte & dirutis functionibus, letho abripiatur æger; quod iis imprimis obtinebitur auxiliis, quæ mordacem & corrosivam humorum crasim delinire & temperare apta, nata sunt. Sibi mutantur illæ indicationes, nulla negligenda, & doloris ratio maximè habenda est; qui triplex, pulsativus, gravativus & lancinans: ab arteriarum distensione, earumque validiore contractione, ab accumbentium vasibus humorum, mole & pondere & ab eorumdem sale caustico & acido luxuriante omnes repetendæ sunt. In remedium itaque delectu, auspice Medico, totus sit Chirurgus, nec quidquam inconsultâ agat naturâ, ea enim ex Hippocrate morborum est medicatrix;

Ergo unum, è præcipuis Symptomatibus in operationibus Chirurgicis, mitigandum, Dolor

DOMINI DOCTORES DISPUTATURI.

<i>M. Franciscus - David Herissant.</i>	<i>M. Joannes-Franciscus Iser.</i>	<i>M. Paulus - Jacobus Malouin, è Regiâ Scientiarum Academiâ.</i>
<i>M. Antonius Bergier.</i>	<i>M. Carolus-Franciscus Bouigny des Preaux.</i>	<i>M. Joannes-Baptista Boyer, Con- siliarius Medicus Regis ordina- rius in supremo Senatu Parisien- si, ac in Præfekturâ Parisiensi, Serenissimæ Principis Cenoma- nensum Ducissæ Medicus ordi- narius & Censor Regius.</i>
<i>M. Jacobus-Franciscus le Chat de la Sourdière.</i>	<i>M. etyus Lalouette.</i>	<i>M. Bernardus de Jussieu, Regiæ Scientiarum Academiæ Regiæ- que Societatis Londinensis So- cius, & in Hortu Regio Botanice Prodemonstrator.</i>

Proponēbat Parisiis, LUDOVICUS-RENATUS MARTEAU, Parisinus, Do-
ctor Medicus Cadomenis, Sorbonæ necnon Saluberrimæ Facultatis Medicinæ
Parisiensis Baccalaureus, A. R. S. H. 1743, à sextâ ad meridiem.

Typis QUILLAU, Universitatis & Facultatis Medicinæ Parisiensis,
Typographi, 1744.